


# Háteigur



18. árgangur 6. tbl.

VIRÐING – SAMVINNA – VELLÍÐAN

22. ágúst 2014

## HAUSTBRÉF

<http://hateigsskoli.is>

### Frá skólustjóra

Ágætu lesendur

Ég býð ykkur öll velkomin til náms og starfa. Hvert haust vekur nýjar vonir, þá er taflan auð og hægt að byrja að skrá nýjar hugmyndir og skapa eitthvað nýtt. Vonandi er okkar tafla eins og öll nútímatæki með gott minni og þá straujuð og endurræst eftir sumarið. Það er kallað að strauja þegar tölvubúnaður er hreinsaður af forritum og ný og endurbætt sett inn. Í haust er talsverð endurnýjun á tölvubúnaði skólans. Helst er um að ræða endurnýjun á úreltum og seinvirkum búnaði. Allmargar I-Pad tölvur hafa bæst við og vonandi tekst okkur að virkja þær í höndum nemenda og kennara þannig að námsgleði aukist og þekking dýpki. Svo er ekki annað hægt en að byggja vonir á því að efnahagur sé að batna í landinu þannig að uppbygging og kaup á hvers kyns búnaði og endurbætur á aðstöðu haldi áfram á næstu árum. Það eru þau skila-boð sem við fáum og það eykur okkur bjartsýni og starfs-gleði. Ekki er allt undir tækjunum komið. Margir hafa áhyggjur af of mikilli tækjæign og tækjanotkun nemenda og jafnvel hinna fullorðnu. Í því efni verðum við öll að standa vaktina því að það er örugglega mikilvægt að gæta hófsemi þar eins og í öllu sem stendur okkur til boða í mannheimum. Við leysum ekki okkar mannlegu verkefni með tækjum. Við heyrum meira og meira af því að hugtakið samskipti er að verða áberandi í hvers kyns faglegri umræðu um skóla- og samfélagsmál enda hafa „tækin“ gert endaskipti á þessum veruleika. Það er hægt að skoða ótrúlega margt með samskiptaglaraugum. Meira að segja er hægt að skoða heimanám sem samskiptaverkefni. Um leið og við ræðum um heimanám sem samskiptaverkefni þá fær það nýja merkingu. Margir vilja hætta öllu heimanámi og dæmi er um slíkt í nágranna-skólum. Þá er væntanlega lítið á heimanám sem þrúgandi og íþyngjandi verkefni fyrir annasöm heimili. Ég lít á heimanám sem samskiptaverkefni. Heimanám þarf og verður að vera hóflegt og við þurfum öll að gæta þess því að það er snertiflötur / samskiptaflötur á milli skólans og heimilanna. Með heimanámi fá foreldrar innsýn í starf skólans og hlutskipti barnanna og skólinn fær líka hlutdeild í heimilunum eins og heitið bendir til –

heimanám. Allt sem við getum skoðað með samskipta-glaraugum megum við bæta og auka og hvet ég okkur öll til að líta til þess.

Nokkrar breytingar verða á starfsliði á milli ára. Guðrún Matthíasdóttir kennari hefur verið ráðin í ársleyfi Helenu Pálsdóttur. Á miðstigi höfum við ráðið Helga Má Þorsteins-son vegna tilfærslna sem urðu er Rannveig Þorkelsdóttir leiklistarkennari sagði stöðu sinni lausri síðasta vor. Barbro Lundberg er komin í starf í Laugalækjarskóla og við höfum ráðið Heiðu Rúnarsdóttur sem bókasafnskennara að skólanum. Við eigum síðan eftir að ráða stuðningsfulltrúa í 1. bekk. Ég óska nýjum kennurum til hamingju með störf sín og óska þeim velfarnaðar í vetur.

Það er eins og ævinlega tilhlökkun hjá starfsfólki að taka á móti nemendum. Innilega velkomin til samstarfs á nýju skólaári. Ég óska þess að starfið verði farsælt og gefandi fyrir okkur öll.

Með kveðju,  
Ásgeir Beinteinsson,  
skólustjóri Háteigsskóla.

### Foreldraviðtöl, starfsdagar og vetrarfrí

Eins og kom fram á skóladagatali sem var sent heim í vor og er á heimasíðunni, verða foreldraviðtöl 7. október og 3. febrúar. Starfsdagar verða 1. október, 26. janúar, 16. febrúar og 3. júní. Vetrarleyfi verða 17., 20. og 21. október og 19. og 20. febrúar.

### Háteigur

Háteigur er mánaðarlegt fréttablað skólans og mun að mestu vera gefinn út á netinu. Þeir sem vilja fá hann á pappír frá skólanum er velkomið að óska eftir því. Þá verður hann sendur í töskupósti heim með nemendum.

### Foreldravefur

Við viljum vekja athygli á foreldravef skóla- og frístundasviðs Reykjavíkurborgar. Vefurinn er ætlaður foreldrum barna á aldrinum 0-16 ára og er markmiðið með honum að styðja og efla foreldra í því hlutverki að vera virkir þátttakendur í starfi og námi barnanna.

Slóðin á vefinn er: [www.reykjavik.is/foreldrar](http://www.reykjavik.is/foreldrar).

## Skólasund veturinn 2014 – 2015

Eins og undanfarin ár verður sundið á föstudögum í Sundhöll Reykjavíkur (fyrir og eftir hádegi) og í sundlaug Austurbæjarskóla (fyrir hádegi). Einnig verður sund fyrir 5., 6. og 7. bekk á fimmtudagsmorgnum í Sundhöllinni.

Nemendur í 4. bekk eru í sundi allan veturinn og er tími þeirra á stundaskrá. Aðrir nemendur (1.-3. bekkur) eru ýmist í sundi á haust- eða vorönn. Nemendum er ekið milli laugar og skóla. Á föstudagsmorgnum verða nemendur í 4. bekk að vera mættir aðeins fyrr en venjulega því rútan fer frá skólanum kl. 8:15. Nemendur 1., 2. og 3. bekkjar fara úr kennslustundum frá umsjónarkennurum. Starfsmaður skólans fylgir nemendum 1.-4. bekkjar í rútnni milli laugar og skóla.

### Föstudagur:

Kl.	Haustönn	Vorönn
8:30 – 9:10	4. KR	4. GM
9:10 – 9:50	1. JOS	1. IRB
10:10 – 10:50	2. GHJ	2. SÓ
10:50 – 11:30	4. GM	4. KR
11:40 – 12:20	Aukatími	
13:00 – 13:40	3. b. stúlkur	3. b. drengir

Að gefnu tilefni til foreldra nemenda í 1. – 4. bekk:

Við viljum biðja ykkur um að láta vita á skrifstofu skólans ef börnin fara beint á sundstað og taka því ekki sund-rútuna. Þetta á aðeins við um nemendur sem eru í sundi í fyrstu kennslustund á föstudagsmorgnum.

Einnig þarf að hafa í huga að ef þið þurfið, einhverja hluta vegna, að sækja börnin á sundstað þá er nauðsynlegt að láta þann starfsmann sem fylgir börnunum milli sundstaðar og skóla vita af því.

Nemendur í 5. - 7. bekk eru í sundi í Sundhöllinni á fimmtudagsmorgnum. Nemendur 7. GHS eru í sundi á haustönn og mæta beint upp í Sundhöll kl. 8:25. Á vorönn mæta nemendur 7. GH beint þangað. Stúlkur í 6. bekk eru í sundi á haustönn og drengir á vorönn. Nemendur í 5. EVÓ eru í sundi á haustönn og 5. DM á vorönn. Nemendum 5.-7. bekkjar er ekið milli laugar og skóla, en 7. bekkjar mæta sjálfir í Sundhöll á fimmtudagsmorgnum.

### Fimmtudagur:

Kl.	Haustönn	Vorönn
8:30 – 9:10	7. GHS	7. GH
9:10 – 9:50	6. b. stúlkur	6. b. drengir
10:10 – 10:50	5. EVÓ	5. DM

Nemendur í 8. bekk eru í sundi allt skólaárið. Nemendur í 9. bekk eru í sundi í Sundhöllinni á haustönn og eru tímar þeirra skráðir á stundatöflu. 10. bekkur er síðan á vorönn.

### Föstudagur:

Kl.	Haustönn	Vorönn
13:40 – 14:20	8. SA/SPS	8. SA/SPS
14:30 – 15:10	9. b. stúlkur*	10. b. stúlkur**
15:10 – 15:50	9. b. drengir*	10. b. drengir**

\*Skipti verða á hópunum á miðju tímabili, þ.e. 31. október fara stúlkur í seinni tímann og drengir í þann fyrri.

Fyrri tímabil: 29.8. – 24.10. Seinna tímabil: 31.10. – 9.1.

\*\* Skipti verða á hópunum á miðju tímabili, þ.e. 27. mars fara stúlkur í seinni tímann og drengir í þann fyrri. Fyrri tímabil: 16.1. – 20.3. Seinna tímabil: 27.3. – 29.5.

Fyrstu tímar á haustönn eru 28. og 29. ágúst og fyrstu tímar vorannar eru 15. og 16. janúar.

Umsjónarkennarar sjá um að upplýsingar um sundið berist nemendum. Mikilvægt er að upplýsingar berist til heimilanna um skipulagið yfir veturinn, þar sem margir nemendur eru í öðru námi.

## Leiðréttingar í Mentor og ástundun

Forráðamenn eru vinsamlegast beðnir um að fara yfir persónulegar upplýsingar sínar í Mentor og leiðrétta ef þörf er á. Nauðsynlegt er að öll símanúmer og netföng séu rétt vegna upplýsingaskyldu skólans og eins ef slys eða skyndileg veikindi ber að höndum.

Allir kennarar skrá hegðun og mætingar nemenda í skólanum. Ástundun nemenda 5. - 10. bekkjar verður send heim á u.þ.b. mánaðarfresti. Allir forráðamenn hafa netaðgang að upplýsingum um ástundun barna sinna í Mentor ásamt fleiri upplýsingum sem kennari kys að setja á netið. Slóðin er <http://www.mentor.is>. Á unglingastigi er skólasóknareinkunn tengd ástundun og birtist hún á prófskírteinum.

## Minnisatriði í upphafi skóla

Hvers konar notkun farsíma er bönnuð í kennslustofum. Það á að vera slökkt á sínum og þeir eiga að vera í töskum eða vösum. Verði misbrestur á er síminn tekinn af nemanda og hann aðeins afhentur forráðamanni. Farsímar, spilarar og önnur verðmæti eru best geymd heima.

Gott er að fá sér inniskó þar sem nemendur fara úr útiskóm við útidyr.

Nemendum 7. – 10. bekkjar gefst kostur á að fá lánaðan læstan skáp gegn 1500 kr. tryggingargjaldi sem fæst endurgreitt þegar lykli er skilað fyrir skólaslit að vori.

Hjólreiðar eru ekki leyfðar á skólalóðinni á skólatíma. Sama gildir um hjólaskauta, hjólaskó, hlaupahjól og hjólabretti.

Notkun og geymsla vélknúinna farartækja er óheimil á skólalóðinni.

## Mjólkuráskrift – mataráskrift

Vakin er athygli forráðamanna á að nemendur geta verið í mjólkuráskrift. Sama fyrirkomulag er eins og með mataráskriftina. Farið er inn á heimasíðu Reykjavíkurborgar og gengið frá umsókn í Rafrænni Reykjavík. Þegar viðkomandi er einu sinni kominn í áskrift gildir hún þangað til að henni er sagt upp en uppsagnarfresturinn er hálfur mánuður. Þetta þýðir að þeir sem voru í áskrift á síðasta skólaári og vilja halda henni áfram, hvort sem um er að ræða mjólk eða hádegismat, þurfa ekki að endurnýja umsókn. Fyrsti afhendingardagur mjólkur er 25. ágúst.

Verðið á hádegismatnum er kr. 6.600 fyrir hvern mánuð og mjólkín (léttmjólk) kostar kr. 700 á mánuði.

## Foreldrar!

Vinsamlegast merkið föt og aðra hluti sem börnin koma með í skólann. Hægt er að kaupa fata-límmiða með nafni og númeri, til dæmis, eða nota fatatúss og skrifa á heftiplástur eða þvottamiða.

☎ Spakmæli mánaðarins: ☞  
Það er tilgangslaut að hafa áhyggjur af því sem maður getur ekki breytt.